

16. gr.

Ef í ljós kemur við skoðun, að notuð eru óleyfileg vör eða of stór, skal loka veitunni tafarlaust, og er ekki heimilt að opna hana að nýju, fyrr en notandi hefur greitt gjald, kr. 780.00, til Rafmagnsveitunnar.

17. gr.

Skilyrði fyrir sölu raforku til hitunar skv. 10. gr. eru þau, að vélaafl, götulínur og spennar þoli álagið að dómi rafmagnsstjóra, notandi kosti tengingu klukkurofa og búnaði öllum sé hagað skv. fyrirmælum rafmagnsstjóra.

18. gr.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús. Herbergi minna en 5 m² skal telja sem hálf, en þar sem herbergjastærð fer fram úr 25 m² skal reikna hverja byrjaða 25 m² sem eitt herbergi. Þar sem meðalstærð herbergja í íbúð er minni en 10 m² má reikna með þeirri meðalstærð. Þegar heildartala herbergja hefur verið reiknuð út samkvæmt þessu, skal hún hækkuð upp í heila næstu tölu, ef stendur á hálfu.

19. gr.

Söluskattur 11%, 1% viðlagasjóðsgjald og 1% í sjóð til að draga úr áhrifum verðhækkana á olíu til íbúðahitunar eru talin með í upphæð gjalda þeirra, sem um ræðir í gjaldskrá þessari.

20. gr.

Rafmagnsveitan leiðbeinir gjaldendum, er þess óska, um val gjaldskrárliða eftir tegund notkunar.

21. gr.

Gjaldskrá þessa skal endurskoða í heild eigi síðar en að fimm árum liðnum.

Gjaldskrá þessi staðfestist hér með samkvæmt vatnalögum nr. 15 20. júní 1923 og Orkulögum nr. 58 29. apríl 1967 til að gilda frá og með 1. mars 1974 og birtist til eftirbreytni öllum þeim, sem hlut eiga að máli. Jafnframt er úr gildi felld gjaldskrá sama efnis, nr. 374 4. desember 1973.

Íðnaðarráðuneytið, 28. febrúar 1974.

Magnús Kjartansson.

Jóhannes Guðfinnsson.

G J A L D S K R Á**Rafveitu Hafnarfjarðar.****I. RAFORKA**

Rafveita Hafnarfjarðar selur raforku á þann hátt og við því verði, er hér segir:

A. Lýsing.

- 01 1. Um kWst.-mæli á kr. 17.41 hverja kWst.
- 02 2. Um kWst.-mæli á kr. 8.32 hverja kWst. auk fastagjalds, er nemi kr. 2 256.00 á ári fyrir allt að 25 m² gólfplatarmáls í rúmi því, er lýsa skal, og kr. 42.00 fyrir hvern m² umfram 25 m². Fullt fermetragjald skal greiða af gólfleti í

búðum, vinnustofum og skrifstofum, en fyrir geymslur og ganga skal greiða kr. 21.00 á m² á ári.

Séu notaðir flúrskinslampar, natriumlampar eða kvikasilfurslampar með ófasviksjöfnuðum straumrásum, er heimilt að miða orkugjald skv. 1. og 2. tölulið við kílóvoltamperstundir í stað kílówattstunda.

B. Almenn heimilisnotkun.

- 12 Um kWst.-mæli á kr. 3.77 hverja kWst. og auk þess fastagjald kr. 390.00 á ári fyrir hvert herbergi, sem ætlað er til íbúðar og eldhús, en ekki ganga, baðherbergi eða geymslur.

C. Vélanotkun.

- 20 1. Um kWst.-mæli á kr. 8.32 hverja kWst.
23 2. Um mæla þannig reiknað, enda sé aflnotkun minnst 5 kW. Aflgjald skv. kW-mæli á kr. 4 129.00 hvert árskW. Auk þess skal greitt orkugjald skv. kWst.-mæli á kr. 1.48 hverja kWst. Minnsta aflgjald er kr. 20 640.00 á ári. Verði raunstuðullinn lægri en 0.8 er heimilt að miða aflgjaldið við 90% af mestu kVA-notkun í stað mestu kW-notkunar.

D. Hitun.

- 03 1.1. Um kWst.-mæli á kr. 3.40 hverja kWst. (án söluskatts).
04 1.2. Um kWst.-mæli á kr. 3.84 hverja kWst. (með söluskatti).
16 2.1. Um kWst.-mæli á kr. 1.21 hverja kWst. (án söluskatts), enda megi rjúfa strauminn í allt að 3 klst. á dag, á tímum mesta álags Rafveitunnar.
17 2.2. Um kWst.-mæli á kr. 1.36 hverja kWst. (með söluskatti), enda megi rjúfa strauminn í allt að 3 klst. á dag, á tímum mesta álags Rafveitunnar.
32 3.1. Um kWst.-mæli á kr. 0.63 hverja kWst. (án söluskatts), enda megi rjúfa strauminn í allt að 12 klst. á sólarhring.
33 3.2. Um kWst.-mæli á kr. 0.70 hverja kWst. (með söluskatti), enda megi rjúfa strauminn í allt að 12 klst. á sólarhring.

Skilyrði fyrir raforkusölu til hitunar:

- a) Að vélaafl, götulinur og spennar þoli álagið, að dómi rafveitustjóra.
b) Að notandi kosti segulrofa fyrir hitalögnina.
c) Að hitalagnir, þar með talin öll tæki, séu gerð skv. fyrirmælum Rafveitunnar og Rafmagnseftirlits ríkisins, ofnar fasttengdir með sérstökum rofum og hitastillar notaðir, þegar þess er krafist.
d) Að húsnæðið fullnægi þeim lágmarkskröfum um einangrun, sem Rafveitan kann að setja.
e) Að lagðar séu fram niðurstöður útreikninga á hitaþörf þess húsrýmis, er hita skal, þegar þess er krafist og skal þá tekið fram, við hvaða minnsta útihita hitaþörfin er miðuð.

E. Stórnotkun.

- 50 Um mæla þannig reiknað, enda sé aflnotkun minnst 200 kW. Aflgjald: Kr. 7 520.00 hvert árs-kW. Orkugjald: Kr. 0.84 hverja kWst. Sala skv. þessum lið er háð ákvörðun Rafveitunefndar.

F. Önnur notkun.

Rafveitustjóra er heimilt að veita afslátt frá framangreindum verðlags-ákvæðum á liðunum A til D á orku, sem notuð er á sumrin, ef um töluverða aukningu frá vetrarnotkun er að ræða, eða ef orkan er eingöngu notuð á sumrin.

- 40 2. Til nota við vinnulagnir við byggingar, meðan á byggingu stendur, þannig:
 a) Um kWst.-mæli á kr. 9.14 hverja kWst.
 b) Um mestastraumsrofa á kr. 85.00 hvert amper á mánuði. Rafveitustjóri ákveður hvort settur skuli upp kWst.-mælir eða mestastraumsrofi.
- 41 3. Gjöld fyrir götu- og hafnarlýsingu: Kr. 23 875.00 hvert árskilóvatt, þótt mælitækjum verði ekki við komið, enda greiði þá notandi að auki stofnkostnað eða viðhaldskostnað að fullu eftir ákvörðun Rafveitunnar. Þó ákveður bæjarsjórn gjald fyrir götulýsingu í Hafnarfirði samkv. tillögu Rafveitunefndar, sem gerð skal árlega við afgreiðslu fjárhagsáætlunar bæjarins.
4. Þegar sérstaklega stendur á, má rafveitustjóri selja raforku eftir sérstökum samningi, þó eigi lengur en til eins árs í senn, nema samþykki Rafveitunefndar komi til.

G. Mælaleiga.

1. Af einfasa-mælum kr. 19.50 á mánuði.
2. Af þrífasa-mælum til og með 100 A, kr. 48.50 á mánuði.
3. Af þrífasa-mælum yfir 100 A, kr. 81.50 á mánuði.
4. Af mestumælum kr. 124.50 á mánuði.
5. Ársleiga eftir önnur mælitæki og rofa skal vera sem næst 15% af verði viðkomandi tækis.

II. HEIMTAUGARGJÖLD

Heimtaugargjald skal greitt samkv. eftirfarandi töflu. Fari lengd jarðlínuheimtaugar fram úr 15 m eða loflínuheimtaugar fram úr 40 m skal greitt yfirlengdar-gjald eins og taflan sýnir:

Málstraumur stofnvara	Jarðlína		Loftlína	
	Lágmark kr.	Yfirlengd kr./m	Lágmark kr.	Yfirlengd kr./stólpa
220 V KERFI				
63 A 1-fasa	15 860	882	12 014	11 678
100 A 1-fasa	19 221	1 058	15 219	14 593
63 A 3 fasa	19 862	1 058	15 219	14 593
100 A 3-fasa	42 610	1 201	30 754	18 244
125 A 3-fasa	30 755	1 346	21 625	19 142
200 A 3-fasa	48 055	1 826	34 279	21 881
300 A 3-fasa	69 360	2 227		
380 V KERFI				
63 A 1-fasa	15 860	882	13 615	11 678
63 A 2-fasa	19 221	882	15 218	13 616
63 A 3-fasa	26 911	1 058	20 663	14 593
100 A 3-fasa	42 610	1 201	30 756	18 244
125 A 3-fasa	53 180	1 346	37 322	19 142
200 A 3-fasa	83 294	1 826	58 947	21 881
300 A 3-fasa	120 136	2 227		

Fyrir heimtaugar með meiri flutningsgetu en taflan segir til um, (hér kann að þurfa dreifistöð), skal greitt heimtaugargjald er nemi kr. 641.00 á hvert kVA. Skal

þá miða aflíð við varastærðirnar 425, 500 og 630 A. Yfirlengdargjald reiknast þá í hlutfalli við aukna flutningsgetu eftir 300 A skv. töflunni.

Lengd jarðlínuheimtaugar, 63—200 A í 220 V kerfi og 63—125 A í 380 V kerfi reiknast frá varkassa stystu greiðfæra leið að lóðarmörkum. Þurfi að leggja jarðlínuheimtaug af ofangreindum stærðum út frá loftlínu, skal lengd heimtaugar reiknuð jöfn lengd jarðstrengs frá varkassa að loftlínustólpa. Skeri jarðlínuheimtaugin akbraut, skal breidd akbrautar ekki reiknuð með.

Lengd stærri jarðlínuheimtaugar en að ofan greinir, reiknast frá varkassa að rofa í dreifistöð. Yfirlengd reiknast ekki af vegarlengd, sem er umfram 100 m frá varkassa. Yfirlengdin reiknast sem yfirlengd jarðlínu skv. töflu þótt heimtaugin sé tekin frá loftlínu.

Lengd loftlínuheimtaugar, 63—100 A 220 V og í 380 V kerfi, reiknast frá næsta stólpa í notendalínu við götu, stystu greiðfæra leið að varkassa. Þurfi að setja stólpa fyrir heimtaug nær húsi, en 40 m svo að hún nái löglegri hæð, skal greitt umframt gjald kr. 6.410.00 fyrir stólpann.

Séu tvær eða fleiri heimtaugar sameiginlegar að hluta er Rafveitunni heimilt að jafna lengdargjöldum niður á umsækjendur heimtauga.

Sé nauðsynlegt að setja upp dreifistöð vegna ákveðins notanda og hún að mestu leyti notuð í hans þágu, skal notandanum skylt að leggja til lóð undir stöðina, Rafveitunni að kostnaðarlausu og skal hann í öllu hlíta skilmálum Rafveitunnar um stærð lóðarinnar og staðsetningu stöðvarinnar.

Sé um óskipulagt svæði að ræða eða aðstæður óvenjulegar, er heimilt að krefjast sérstaks aukagjalds af húseiganda eða gera honum að greiða fyrir heimtaugina skv. kostnaði, en gera honum viðvart um það fyrirfram.

Óski húseigandi eftir að flutningsgeta heimtaugar verði aukin eða ef breyta þarf loftlínuheimtaug í jarðlínuheimtaug vegna breytinga á stofnlínu í götu, skal húseigandi greiða fullt heimtaugargjald fyrir hina nýju heimtaug að frádregnu hálfu gjaldi hinnar fyrri heimtaugar, hvort tveggja miðað við gildandi gjaldskrá, þegar breytingin fer fram. Húseigandi skal kosta breytingar á stofntaug innanhúss, sem þessu kann að vera samfara og taka á sig annan kostnað er af þessu kann að stafa.

Gjaldskrá þessi gildir í skipulögðum hverfum innan lögsagnarumdæma Hafnarfjarðar, Garðahrepps og Bessastaðahrepps.

III. OPNUNARGJÖLD

1. Hafi gjald skv. gjaldskrá þessari eigi verið greitt, svo að til lokunar fyrir veituna hafi komið, skal taka gjald fyrir enduroppnun, krónur 330.00.
2. Ef fundin eru við skoðun óleyfileg eða of stór vör, skal veitunni lokað tafarlaust og verður hún eigi opnuð aftur fyrr en notandi hefur greitt kr. 420.00 gjald á skrifstofu Rafveitunnar.

Sé opnað utan venjulegs vinnutíma, er þó heimilt að krefjast opnunargjalds samkv. kostnaði.

IV. ÝMIS ÁKVÆÐI

Rafveitunefnd er heimilt að breyta hitatöxtum rafmagns til samræmingar við nágrannaveiturnar.

Hækki innkaupsverð á raforku, er Rafveitunefnd heimilt að hækka gjaldskrá þessa um allt að 40% af þeirri hækkun.

Fyrir full 5%, sem kaupgjald hjá Rafveitu Hafnarfjarðar hækkar eða lækkar, hvort heldur er sökum breytinga á grunnkaupi eða kaupgjaldsvísitölu eftir 15. mars 1974, er Rafveitunefnd heimilt að hækka eða lækka gjaldskrá þessa um 4%.

Söluskattur 11% svo og gjöld skv. lögum nr. 4/1974 og lögum nr. 5/1974 eru innifalin í upphæð gjalda skv. 1. kafla gjaldskrár þessarar, nema annars sé getið.

Gjaldskrá þessi staðfestist hér skv. vatnalögum nr. 15 20. júní 1923 og Orkulögum nr. 58 29. apríl 1967, til að taka gildi 15. mars n. k., og birtist til eftirbreytni öllum, sem hlut eiga að máli.

Jafnframt fellur úr gildi gjaldskrá Rafveitu Hafnarfjarðar nr. 370 29. nóv. 1973.

Iðnaðarráðuneytið, 4. mars 1974.

Magnús Kjartansson.

Jóhannes Guðfinnsson.

REGLUGERÐ

um breyting á reglugerð nr. 6 5. janúar 1973, um innflutnings- og gjaldeyrisleyfi.

1. gr.

Við fyrstu grein reglugerðarinnar bætist eftirfarandi, sem gildir mánuðina desember—apríl, að báðum mánuðunum meðtöldum:

06.03.00 Afskorin blóm og blómknappar í vendi eða til skrauts, lifandi, þurrkað, litað, bleikt, íborðið eða meðfarið á annan hátt.

2. gr.

Reglugerð þessi, sem sett er samkvæmt lögum nr. 30 25. maí 1960 um skipan innflutnings- og gjaldeyrismála o, fl., öðlast þegar gildi.

Viðskiptaráðuneytið, 5. mars 1974.

Lúðvík Jósepsson.

Þórhallur Ásgeirsson.

REGLUGERÐ

um breytingu á reglugerð nr. 41 24. mars 1956 um happdrætti Dvalarheimilis aldraðra sjómanna, sbr. reglugerð nr. 36 10. febrúar 1972.

1. gr.

6. gr. orðist svo:

Vinningar eru samanlagt 4800 að tölu í öllum 12 flokkum og eru samanlagt að verðmæti a. m. k. kr. 117 000 000.00 miðað við smásöluverð. Stjórn D.A.S. ákveður fjölda vinninga og verðmæti þeirra í hverjum flokki. Verðmæti vinninga að meðaltali í hverjum flokki skal vera svipað.